

1. INSCRICIÓNS

A inscrición no programa **XOGADE** (Xogos Galegos Deportivos) en Idade Escolar, formalizarase a través da páxina Web: deportegalego.es , dentro do programa: xogade.xunta.gal

A data de **peche da inscrición é o 31 de decembro de 2016.**

INSCRICIÓN PARA CADA PROBA

Ata o martes anterior á proba, enviando nun excel: nome, apelidos, data de nacemento, club e tempo de natación, á Federación a través de email (fegatri@hotmail.com) ou fax (982 109 800). Cada entidade identificará un responsable, delegado ou delegada con teléfono e email.

Comunicación de baixas

Estas deben ser comunicadas antes das 20:00 horas do mércores anterior á proba.

As baixas non comunicadas en prazo poderán ter penalización a criterio da federación galega.

2. PARTICIPANTES

Poderán participar nesta actividade, os centros escolares, as ANPA, agrupacións deportivas, escolas municipais, clubs deportivos e outras asociacións.

3. CATEGORÍAS

BENXAMÍN masculino e feminino: nados nos anos 2008-2007.

ALEVÍN masculino e feminino: nados nos anos 2006-2005.

INFANTIL masculino e feminino: nados nos anos 2004-2003.

CADETE masculino e feminino: nados nos anos 2002-2001.

A categoría de paratriatlón e prebenxamín estará enmarcada no programa de Tecnificación, organizado pola Federación Galega de Triatlón, podendo participar deportistas con licenza federativa nados no ano 2009-2010 ou con discapacidade recoñecida.

4. NORMAS TÉCNICAS

Distancias

Benxamín:	50 metros natación - 500 metros carreira.
Alevín:	100 metros natación - 500 metros carreira.
Infantil:	200 metros natación -1000 metros carreira.
Cadete:	400 metros natación -2000 metros carreira.

Normas básicas

Cada proba consistirá en nadar e correr. A natación efectuarase en series por categoría e sexo, tratando de conformar as mesmas en base aos tempos de nado que estimen os adestradores.

Establécese que a partir de 120 inscritos na proba, nas categorías cadete e infantil competirán dous nadadores por rúa. Non se admitirán inscricións sen o envío dos tempos. Na final estableceranse as series en función das marcas das xornadas previas.

Na carreira realizarase unha saída por categoría e sexo saíndo todos á vez. Cando nunha categoría sexan máis de 20 participantes poderá haber unha saída A e outra B con igual número de deportistas, segundo a orde da clasificación da natación. A clasificación final será o resultado da suma de tempos da carreira e da natación.

5. FASES E ZONAS

A competición desenvolverase dividida en 2 zonas, con probas clasificatorias para a final galega.

Zonas

Zona1: Carballo – Coruña – Ferrol - Lugo (2-3 probas).

Zona 2: Ourense – Pontevedra – Ribeira – Santiago - Vigo (2-3 probas).

Final galega (1 proba).

Fase Zonal

Celebraranse entre 2 e 3 citas clasificatorias por cada zona. Nas probas clasificatorias poderán participar todos os deportistas que o desexen, segundo a situación xeográfica da entidade á que pertencen.

Clasificaranse para a Final Galega un total de 9 participantes de cada categoría e sexo por cada zona, distribuídos do seguinte xeito, segundo o número de probas celebradas en cada zona.

3 probas clasificatorias - Clasificaranse os 3 primeiros de cada categoría e sexo

2 probas clasificatorias- Clasificaranse os 4 primeiros de cada categoría e sexo máis 1 praza para o mellor sumatorio de marcas entre todas as previas.

En ningún caso computarán os deportistas xa clasificados en probas anteriores

En cada proba recibirán medallas acreditativas os 3 primeiros clasificados en categoría masculina e feminina.

Fase Final Galega

A final autonómica será organizada pola Federación Galega de Triatlón e Péntatlon Moderno. Participarán os clasificados e clasificadas en cada proba zonal. Realizarase unha clasificación individual por categoría e sexo e unha clasificación por equipos.

Clasificación individual

A clasificación realizarase coa suma de tempos de natación e carreira de cada participante. Resultando vencedor o que menos tempo sume.

Recibirán medalla/trofeo os tres primeiros clasificados de cada categoría, masculino e feminino

Clasificación por equipos

Haberá unha única clasificación global de equipos (club/centro escolar/ ANPA,...)

Esta clasificación sairá da suma dos resultados de tódalas categorías de cada Club.

Sumarase a participación de cada participante (por posto acadado), en cada categoría masculina e feminina, segundo a seguinte táboa:

Posto	Puntos	Posto	Puntos
1º	21	11º	8
2º	19	12º	7
3º	17	13º	6
4º	15	14º	5
5º	14	15º	4
6º	13	16º	3
7º	12	17º	2
8º	11	18º	1
9º	10	19º	0
10º	9

A partir do 19º posto recibirán 0 puntos

Entregarase medalla ou trofeo aos 3 primeiros equipos da clasificación global.

A Federación asumirá os gastos de: medallas/ trofeos e xuíces na final galega.

6. DATAS

As probas clasificatorias e final: novembro-xaneiro.

Proba final galega: febreiro.

7. OUTRAS NORMAS

Todos os aspectos non recollidos nestas normas deberán ser consultados coa Federación Galega de Triatlón: www.fegatri.org ou na páxina Web da Secretaría Xeral para o Deporte: xogade.xunta.gal